



UL. STUPSKA 19/1, 71210 SARAJEVO, BOSNA I HERCEGOVINA, +387 61 389711, +387 61 803080
EMAIL: VIVAFILMFESTIVAL@GMAIL.COM, WWW.VIVABA.COM

PREDMET: PONUDA ZA PRIJATELJA FESTIVALA

Poštovani,

obraćamo Vam se sa ponudom da postanete prijatelj prvog Viva film festivala religijskog, ekološkog i turističkog dokumentarnog filma koji se održava od 28.05. do 31.05.2015. godine. Centralna manifestacija biće održana u Sarajevu, a festivalske projekcije uporedo će se održavati i u Varešu, Kaknju i Banja Luci.

Svečano otvaranje biće upriličeno u Sarajevu 28.05.2015. u 19.19 h u Cinema City multiplex kinu, a tom prilikom će premijerno u BiH biti prikazan prvi balkanski igrani film rađen 3D tehnikom "Peti Leptir".

Povod za organizaciju Festivala jesu pitanja iskonskih ljudskih vrijednosti, suživota i, u tom svjetlu, sve aktuelnija pitanja biološkog opstanka na planeti.

Festival je međunarodnog i takmičarskog karaktera, a sa ponosom ističemo da smo članica IDA (international documentary association), te da smo primili 430 filmova iz gotovo svih zemalja svijeta. U zvanijnoj selekciji i takmičenju za nagrade nalazi se 99 filmova iz tri oblasti: religija, ekologija i turizam.

Između ostalih, Festival je zvanično podržao Visoki predstavnik Valentin Inzko, kao i sve četiri kulturne vjerske zajednice i predstavnici manjina, jer je prvi festival sa tom tematikom na ovim prostorima. Članovi savjeta Festivala su ugledne javne ličnosti, akademici kao i predstavnici svih konfesija (informacije su dostupne na stranici www.vivaba.com).

Nakon završetka oficijelnog dijela festivala od 31.05. pa do kraja 2015. godine, u okviru drugog dijela projekta Viva film festivala, naš tim će vršiti projekcije filmova i radionice u 20 gradova Federacije BiH.

Iz Vaše zemlje filmska ostvarenja se nalaze u zvaničnoj konkurenciji za dodjelu nagrada. Samo prikazivanje filmova u trodnevnoj filmskoj manifestaciji, koja ide paralelno u četiri grada, je svojevrsan kurtuloroški događaj i prezentacija Vaše zemlje i kulture, a za sobom ostavlja pozitivizam iskonskih ljudskih vrijednosti, suživota i opstanka na planeti Zemlji gledano kroz toleranciju i pomirenje, te kroz sagledavanje raznolikosti kroz jedinstvo ljepote iskazano kroz umjetnost kinematografije.

Samim prikazivanjem filmova iz Vaše zemlje, uvršteni ste kao prijateljska zemlja koja podržava Festival, što će biti objavljeno na web stranici www.vivaba.com, a Vaše ime će biti zastupljeno u svim publikacijama i istaknuto na konferencijama za novinare.

Molimo Vas da, u okviru svojih mogućnosti, donirate Prvi Viva film festival i time date doprinos njegovom održavanju.

Sa nadom da ćete prepoznati značaj ovakve manifestacije i da ćete podržati održavanje prvog Viva film festivala srdačno Vas pozdravljam.

Sarajevo, 11.05.2015.

Umjetnički direktor Festivala
Ratko Orozović, reditelj

